

海棠花古诗词

1.
雨濯吴妆腻，风催蜀锦裁。自嫌生较晚，不得聘寒梅。——洪适《海棠花》
2.
半卷湘帘半掩门，碾冰为土玉为盆。偷来梨蕊三分白，借得梅花一缕魂。月窟仙人缝缟袂，秋闺怨女拭啼痕。娇羞默默同谁诉，倦倚西风夜已昏。——曹雪芹《咏白海棠》
3.
为爱名花抵死狂，只愁风日损红芳。绿章夜奏通明殿，乞借春阴护海棠。——陆游《家园》
4.
点缀春容特地妍，艳妆金缕脸霞嫣。无端风雨妒颜色，半吐芳心向晚天。——廖行之《雨中惜海棠花四首》
5.
海棠何事忽摧隤？今日繁花为底开？应是北堂增寿考，一阳旋复占先梅。——高鹗《赏海棠花妖诗》
6.
新样西风较劣些，重阳还放海棠花。——杨万里《张子仪太社折送秋日海棠二首·新样西风较劣些》
7.
落红片片浑如雾，不教更觅桃源路。香径晚风寒，月在花飞处。蔷薇影暗空凝贮。任碧颭轻衫萦住。惊起早栖鸦，飞过秋千去。——纳兰容若

《海棠春·落红片片浑如雾》

8.
天机云锦拂檐牙，多少工夫到此花。恰莫匆匆等闲看，无边春色是吾家。
——钱时《山隐竣事海棠正花二首·天机云锦拂檐牙》
9.
忽识海棠花，令人只叹嗟。艳繁惟共笑，香近试堪夸。驻骑忘山险，持杯任日斜。何川是到处，应绕羽人家。
——顾非熊《斜谷邮亭玩海棠花》
10.
小楼风定月初斜，紫玉新枝绾落霞。睡起不堪重秉烛，春来愁杀海棠花。
——董少玉《海棠花》
11.
银烛檀槽醉海棠，老来非复锦城狂。疏梅对影太清淡，为拂焦桐弹履霜。
——陆游《雪後寻梅偶得绝句十首·银烛檀槽醉海棠》
12.
海棠花下春将暮，缓唱新词味佳句。
——王之道《青玉案·逢人借问钱塘路》
13.
竹院深无砺角牛，佳人舞罢此番休。沉吟欲掩班姬扇，荡漾真乘蔡女舟。
魂入巫山疑楚梦，神游铜雀失吴囚。千秋事往风流在，莫更凄凉吊古邱。
——邵宝《海棠·其六》
14.
玉脆红轻不耐寒，无端风雨苦相干。晓来试卷珠帘看，蔌蔌飞香满画栏。
——张九成《雨中海棠》
15.
海棠院里寻春色，日炙荐红满院香。不觉风光都过了，东窗浑为读书忙

。——黄庭坚《海棠》

16.

锦城春色万人迷，饭颗无心着品题。实不如华谩浓艳，秋霜谁觑海棠梨。
。——方回《海棠花》

17.

今年春色可胜嗟，二月山中未见花。长忆去年今夜月，海棠花影到窗纱。
。——程敦厚《惜海棠开晚》

18.

海棠红晕润初妍，杨柳纤腰舞自偏。笑倚玉奴娇欲眠。粉郎前，一半儿
支吾一半儿软。——查德卿《一半儿·海棠红晕润初妍》

19.

春色三分已二分，海棠红软半梨云。银缸休照东风树，愁杀扬州杜使君。
。——凌云翰《咏海棠》

20.

剔银灯快将诗句写，晓风寒海棠花谢。——张可久《双调·落梅风·湖
上山翁醉》

21.

斜阳寒草带重门，苔翠盈铺雨后盆。玉是精神难比洁，雪为肌骨易销魂。
。芳心一点娇无力，倩影三更月有痕。莫谓缟仙能羽化，多情伴我咏黄
昏。——曹雪芹《咏白海棠·斜阳寒草带重门》

22.

鼎湖龙去御床空，辇路花开旧日红。九日人间春色早，不堪草木见秋风。
。——萨都刺《升龙观九日海棠杏花开二首·其二》

23.

褪尽东风满面妆，可怜蝶粉与蜂狂。自今意思和谁说，一片春心付海棠。
。——唐寅《海棠美人图》

24.

恨杀东风太豪横，夜来吹尽海棠花。——苏洵《金陵杂兴二百首·清明过了日晴佳》

25.

海棠前日满枝红，一夜飘飘卷地空。多少荣华驹过隙，莫教容易负东风。——钱时《恼海棠》

26.

脸晕轻红酒力微，真妃半醉夜深时。杜鹃叫落花梢月，独倚东风睡不足。——黄庚《海棠》

27.

窗外海棠开了。明媚韶华正好。花艳嫁东风，荡得吟魂颠倒。心祷。心祷。人愿与春不老。——潘榕《如梦令·海棠》

28.唯应多美酒，厌看海棠花。——刘放《登楼》

29.

一丛梅粉褪残妆，涂抹新红上海棠。开到荼靡花事了，丝丝天棘出莓墙。——王淇《春暮游小园》

30.

游丝无赖小庭空，梦想君家合树红。曾向西川亲画得，举家终日看屏风。——苏洵《海棠花放简冯元咨》

31.

撩乱蒙笼黯淡中，海棠收叶尚藏红。燕支肯负匀妆浅，翡翠何贪剪刻工。酒病未苏还懊恼，春愁才解易怔忡。流芳催得年华老，又见啼莺转小丛。——韩偓《咏海棠》

32.

海棠风横，醉中吹落，香红强半。小粉多情怨花飞，仔细把、残香看。一抹深檀秋水畔。缕金衣新换。鹦鹉杯深艳歌迟，更莫放、人肠断。——

—晏几道《留春令·海棠风横》

33.

繁于桃李盛于梅，寒食旬前社后开。半月暄和留艳态，两时风雨免伤摧。人怜格异诗重赋，蝶恋香多夜更来。犹得残红向春暮，牡丹相继发池台。——齐己《海棠花》

34.

晚出闲庭看海棠，风流学得内家妆，小钗横戴一枝芳。镂玉梳斜云鬓腻，缕金衣透雪肌香，暗思何事立残阳。——李珣《浣溪沙·晚出闲庭看海棠》

35.

山容娟丽青无尽，心地宽閒乐有涯。春讯不应梅占断，风流犹有海棠花。——张侃《家园散策二绝》

36.

海棠乱发皆临水，君知此处花何似。凉月白纷纷，香风隔岸闻。啜枝黄鸟近，隔岸声相应。随意坐莓苔，飘零酒一杯。——王安石《菩萨蛮·海棠乱发皆临水》

37.

绿娇隐约眉轻扫，红嫩妖饶脸薄妆。巧笔写传功未尽，清才吟咏兴何长。——王安石《海棠花》

38.

海棠亭午沾疏雨。便一饷、胭脂尽吐。老去惜花心，相对花无语。羽书万里飞来处。报扫荡、狐兔兔舞。濯锦古江头，飞景还如许。——吴潜《海棠春·已未清明对海棠有赋》

39.

春似酒杯浓，醉得海棠无力。谁染玉肌丰脸，做燕支颜色。送春风雨最无情，吹残也堪惜。何似且留花住，唤小鬟催拍。——周紫芝《好事近·海棠》

40.

海棠如雪殿春余。禽弄晚晴初。倦客长惭杜宇，佳辰且醉提壶。逍遥放浪，还他渔子，输与樵夫。一棹何时归去，扁舟终要江湖。——范成大《朝中措·海棠如雪殿春余》

41.

昨夜雨疏风骤，浓睡不消残酒。试问卷帘人，却道海棠依旧。知否？知否？应是绿肥红瘦。——李清照《如梦令·昨夜雨疏风骤》

42.

枝间新绿一重重，小蕾深藏数点红。爱惜芳心莫轻吐，且教桃李闹春风。——元好问《同儿辈赋未开海棠》

43.

半卷湘帘半掩门，碾冰为土玉为盆。偷来梨蕊三分白，借得梅花一缕魂。月窟仙人缝缟袂，秋闺怨女拭啼痕。娇羞默默同谁诉，倦倚西风夜已昏。——曹雪芹《咏白海棠·半卷湘帘半掩门》

44.

故园今日海棠开，梦入江西锦绣堆。万物皆春人独老，一年过社燕方回。似青似白天浓淡，欲堕还飞絮往来。无那风光餐不得，遣诗招入翠琼杯。——杨万里《春晴怀故园海棠二首·其一》

45.

东风袅袅泛崇光，香雾空蒙月转廊。只恐夜深花睡去，故烧高烛照红妆。——苏轼《海棠》

46.

枝间新绿一重重，小蕾深藏数点红。爱惜芳心莫轻吐，且教桃李闹春风。——元好问《同儿辈赋未开海棠二首·其二》

47.

秋容浅淡映重门，七节攒成雪满盆。出浴太真冰作影，捧心西子玉为魂。晓风不散愁千点，宿雨还添泪一痕。独倚画栏如有意，清砧怨笛送黄昏。

昏。——曹雪芹《咏白海棠》

48.

海棠带雨湿红妆，乞护重阴昼正长。蛺蝶不知花欲睡，飞来飞去闹春光。
。——袁世凯《咏海棠》

49.去年寒食犹依然，海棠花落南溪前。——袁说友《和林子长海棠韵》

50.

珍重芳姿昼掩门，自携手瓮灌苔盆。胭脂洗出秋阶影，冰雪招来露砌魂。
。淡极始知花更艳，愁多焉得玉无痕。欲偿白帝宜清洁，不语婷婷日又昏。
。——曹雪芹《薛宝钗咏白海棠》

51.

细雨初怜湿翠裳，新晴特地试红妆。无人会得东风意，春色都将付海棠。
。——杨万里《海棠坞》

52.

蘅芷阶通萝薜门，也宜墙角也宜盆。花因喜洁难寻偶，人为悲秋易断魂。
。玉烛滴干风里泪，晶帘隔破月中痕。幽情欲向嫦娥诉无奈虚廊夜色昏。
。——曹雪芹《咏白海棠·蘅芷阶通萝薜门》

53.

海棠簇簇弄繁英，随分相逢眼自青。一种风流似西蜀，何须心着展江亭。
。——邹浩《曾园见海棠》

54.

银烛光中万绮霞，醉红堆上缺蟾斜。从今胜绝西园夜，压尽锦官城里花。
。——范成大《锦亭然烛观海棠》

55.

东君何事妒花妍，不遣春风一笑嫣。邀动芳心愁万缕，盈盈含恨雨中天。
。——廖行之《雨中惜海棠花》

56.

尤物真能夺化工，腊前偷泄数枝红。霜花不上胭脂面，强饰春妍嫁北风。
。——尹廷高《腊月海棠》

57.

海棠花上问春归，岂料春风雪满枝。应为红妆太妖艳，故施微粉着胭脂。
。——任希夷《海棠》

58.

命薄佳人，情钟我辈。海棠开后心如碎。斜风细雨不曾晴，倚阑滴尽胭脂泪。
恨不能开，开时又背。春寒只了房栊闭。待他晴后得君来，无言掩帐羞憔悴。
。——张炎《踏莎行·雨中观海棠》

59.

二月巴陵日日风，春寒未了怯园公。海棠不惜胭脂色，独立蒙蒙细雨中。
。——陈与义《春寒》

60.

海棠弄春垂紫丝，一枝立鸟压花低。去年二月如曾见，却是谁家湖石西。
。——徐渭《画海棠》

本文链接：<https://duanjuziku.com/duanjuzi/8l97apxzzs.html>